

書名 西湖遊覽志二十四卷 嘉靖二十六年序刊萬曆十二年序江陰范鳴謙修本
撰者 明 田汝成 撰
卷 卷十七
內容分類 史·地理·名勝·浙江
索書號 倉石20405
編號 2037500

卷十七

彩色首頁1

[東洋文化研究所漢籍目錄 編號: 2037500](#)

[東洋文化研究所漢籍目錄所藏漢籍善本文影像資料庫 索書號: 倉石20405](#)

[漢籍善本文影像資料庫文本 西湖遊覽志二十四卷 嘉靖二十六年序刊萬曆十二年序江](#)

[陰范鳴謙修本](#)

[版權所有: 東京大學 東洋文化研究所](#)

[使用上的注意事項](#)

西湖遊覽志第一卷

西湖總叙

錢唐田 汝成 輯撰

西湖故明聖湖也周繞三十里三面環山谿谷縷注
下生淵泉百道瀦而為湖漢時金牛見湖中人言明
聖遂稱明聖湖以其介于錢唐也又稱錢唐湖
以輪委于下湖也又稱上湖以其負郭而西也故
稱云西湖諸山之脉皆宗天目天目西去府治
十里高三千九百丈周廣五百五十里蜿蜒
深拔峭舒岡布麓若翔若舞萃于錢唐而嶮

學士呂本為之記

西湖遊覽志第十六卷終

西湖遊覽志第十七卷

錢唐田汝成輯撰

南山分脉城內勝蹟

道院

宗陽宮龍翔宮靈順宮佑聖觀景隆觀玄同觀紫瓊觀

宗陽宮本宋德壽宮後圃也去吳山東北五百步
新宮橋之東三聖廟橋之左先是紹興間聖氣
者言其地有德壽之祥遂建德壽宮高宗禪位
後居之咸淳四年以後圃築道宮曰宗陽祀感

新

生帝每遇玉皇車駕嘗臨幸焉有無極順福毓
瑞申佑景緯等殿王籟葉簡等樓大範觀化觀
妙等堂會真澄妙帝淨等齋丹丘玄圃等亭皆
揭以奎漢闕圓鑿池花卉森茂元初燬延祐間
真人杜道堅重建築老君臺自老聃像于中旁
列尹喜辛餅庚乘楚南榮越尹文子士成琦崔
瞿栢矩列禦寇莊周趙子昂爲之記元季燬洪
武間葉月庵永樂丙申周道淵宣德癸丑沈復
亥弘治元年沈復純相繼重修內有老君臺得
月樓○杜道堅號蘭谷嘗塗人風度清雅嘗以

中秋集儒彥登老君臺玩月分韻賦詩楊仲弘
爲絕倡其詩云老君臺上涼如水臥看水輪轉
二更大地山河微有影九天風露寂無聲龍蛇
並起承金榜鸞鳳雙飛載玉笙不信弱流三萬
里此身今夕到蓬瀛

龍翔宮在清湖橋西先是理宗既即位詔以沂邸
爲龍翔宮以祀感生帝宮在後市街其傍別作
南真館以棲道流錫田千頃元至元間胡僧楊
璉真伽較轆道流改宮爲壽寧寺住持胡元洪
力爭于朝僅得田土一半而宇不可復得矣乃

改建今所即故宋楊和王宅第後奉神祠也齋
居有十日履和順正全真宜休觀妙東明環隱
中和守正安晚中門曰昭符鐘樓曰和應藏殿
曰琅函寶藏規制宏麗視舊益加元統間燬住
持史景仁重建楊維禎葉廣居爲之記方丈後
壘石鑿池蒔藝卉木婆娑翳鬱象海中僊島號
小蓬山陳旅爲之記元末張士誠占爲軍器局
國初住持毛繼祖請于朝復之今爲叢林內有
魚樂軒○楊繼禎碑銘云二馬渡江一馬龍東
觀邸闢森開張移將祀予感生皇疾以慄怒靈

威昂十一景緯生寒芒天人南下南斗傍朝
龍飛暮龍翔翠蓬三度黃塵揚靈宮突立天中
央湖眉海眼東西望地柱不傾天乳長黃鬚僊
伯古冠裳龍腦寶藏聲琅琅上清淨掃赤尾淨
六龍在天天下昌山君海孤紛來王南極上壽
日重光○桂衡魚樂軒詩疎簾清簟卷瀟湘讀
到南華第幾章活水遶門春潑潑游鱗吹浪暖
洋洋朱紅欄檻通方沼紺碧桃花出矮墻遲日
沙波牽細荇微風盤石掃垂楊屢分早飯烏麻
熟會醉春醪白木香異日鯤鯨終變化當年鷄

五卷志卷之十一
犬亦騰驤天寒翡翠毛衣薄月出珊瑚樹影長
莊子濠間從看去琴高海上許騎將梅邊洲渚
渾清淺鴈後蒹葭愈老蒼一曲棹歌聲款乃三
生漁父夢滄浪積來皓雪深爲洞畱住朝雲巧
作房王母蟠桃依舊好麻姑麟脯至今藏時迎
賀客皆英彥日課詩書敢怠荒別有功名期令
子臥水無用學王祥

靈順宮在板兒巷旱河頭舊名寶山院宋嘉泰間
建丞相鄭清之修 皇明正統間真人張澹然
扁名靈順

佑聖觀在興禮坊內宋孝宗潛邸也光宗寧宗皆
誕于此淳熙三年改爲老氏之宮以奉北極佑
聖真君時趙粹中爲吏部侍郎夢有客謁之着
羽衣長七尺視其刺曰北方鎮天真武靈應真
君粹中奉神素謹趨下迎揖不敢執主禮神固
請粹中東向坐曰侍郎今日之事子爲政矣粹
中局踖而寤明日得旨爲奉安聖像使紹定間
賜額曰佑聖宮命學士院書之篆書佑字傍無
人字道流嗽然曰宮無人何以自立事聞上特
許加人字孝宗嘗題杜甫詩于壁云富貴必從

勤苦得男兒須讀五車書理宗又書全篇于東
宮廳之屏元大德七年燬踰年重建改爲佑聖
觀基甚宏敞今錢唐學舍皆其地也元季兵火
此觀獨存 皇明洪武十五年置道紀司于觀
中元時有道士王景周者開東閣以居卽今錢
唐公館是也蘇伯衡爲之記畧云王景周居佑
聖觀之西廡居之東有地二畝而羸剪荒剔翳
以爲圃修竹數百竿夷其中可列坐風月之夕
或觴或奕無適不宜曰洗竹亭亭之右隱阜絕
起有樹鬱然則七葉木也曰七葉坡由坡而西

有屋兩楹中庋縣几琅函森列曰禮經筵筵后
重屋朱薨碧瓦翔于物表白雲依簷君思親之
不可見則泫然出涕曰夢雲樓樓之下簷之外
深榭暈飛護以欄楯傍植葡萄蔓延其上彌布
四阿清風自生日影不下曰清暑簷簷之外黃
精蒼耳白木紅藥椒蘭芎芷杞菊之屬雜然並
峙秩若布卦曰種藥畦中畦築園基而墁以甃
一鶴棲息其上甚馴曰馭鶴臺臺側鉅石虎蹲
可踞而吹笙曰吹笙石石側冬青十餘株離立
若相峙而高皆數丈蒼翠掩映下甃小逕曰冬

青逕逕南出直小園有井焉甘冽異常得開元
宮浴鵠池八稜石欄置其上曰天一泉就而洗
藥郁烈四達好事者比之神瀆曰洗藥井○石
欄上刻虞伯生天一泉銘蓋開元宮故物也銘
云大荒南陲元氣積陰關闔扉陽洞闢曲穴流
泉保靈宅任君來餌黃赤石天一名錫天元冊
曲阿受養良有擇構官方嚴自王伯清蹕臨止
靈響格虛林森爽化赫奕福鄉帝子羨甘液不
食何年喪遺壁白雲映空玉清客開元全盛煩
百役持節旁午文纁辟爾來蕭條世代隔石磴
刻文未漫畫誰其啓之規古昔句曲外史美冠
烏研書千卷視貞白天真景隨玄系繹金室王
堂萬無斲

景隆觀在保民坊板兒巷宋嘉定十四年詔以舊
修內司改建名通玄庵在新門外寧宗書景命
萬年閣元末築城移入城內尋燬于兵成化八
年史志中重建

玄同觀在癸辛街元至元間都道錄郎如山建大
德間賜額尋燬 皇明宣德二年道士殷大宗
重建內有躡碧園清麗可賞

紫瓊觀在鹽橋南荷池上元延佑間真人吳全節
建

長春庵凝真庵純陽庵玉陽庵奉真院玄真院洞玄
院崇善院顯真院洞真院真濟院上真院白馬廟華
光廟五顯廟廣福祖廟舊城隍廟

長春庵在相安巷元延佑間有姚真人者錢唐人
家業温飽其妻蔡氏一旦語其夫云欲脫俗修
真以家業二分畀夫取妾為成家之計自以其
一建庵為修養之需夫曰汝既修真吾無子女
何忍獨墮俗緣耶蔡氏然之乃曰修真不宜夫

婦同處與夫各建一庵于西城下夫庵在妙心
寺北曰長生妻庵在洪福橋西曰長春夫妻皆
證道妙特謂之雙修云蔡氏號冲靜弘治十一
年賜真武像玉樞經于庵內楊廉夫詩云夜坐
清都鶴夢長碧天如水月蒼蒼雲和石藥降玉
母霹靂無車喚阿香雲泛玉甌茶吐味花零金
剪燭生光僊風不動庭前竹又送微鐘到下方
趙子昂詩云流水橋西一徑斜青衣相接到僊
家香分橄欖燒銀葉酒瀉松脂溢紫霞綠竹滿
塔初解籜碧桃幾樹正開花何時脫却凡塵累



來叩丹房九轉砂。聶大年詩云。蕊宮琪樹罷棲鸞。空有玄都太古壇。野老不尋餐玉訣。山人自製切雲杖。龍化去秋池。洞望鶴歸來。夜月寒冠。前度劉郎偏好事。種桃留與後人看。

凝真庵在忠清里內。元至元庚子杭州大疫。里人馬均禮延紫陽庵道士姚懶朴作法治之。境內以安。里人共購地結庵。以奉懶朴。洪武十八年徐道真等。正統二年蕭自然等。成化十年屠宗善等相繼重修。

純陽庵在忠清里小巷。元至正間建。特進神僊重

玄子書弘治三年道士姚德恂重修

玉陽庵在馬市巷

奉真院在下馬坡巷。洪武十六年道士李道椿建

有巢聖樓景泰初燬重建

玄真院在雙茶坊巷內。元至正間建。尋燬。洪武二

十九年重建。有來翠樓。方井丈餘。雖旱不竭。

洞玄院在惠民坊北。元延祐間建

崇善院在淳祐橋側。元延祐間建

顯真院在慶春門內

洞真院在褚家塘。宋紹興間建

真濟院在梅東橋東宋紹興二年建

上真院在裝駕橋西南宋建炎三年郡人錢隆捨

宅建

白馬廟在七寶山之東麓宋建炎間以祀磁州崔

府君者詳見顯應觀

華光廟在普濟橋上本名寶山院宋嘉泰間建紹

興初丞相鄭清之重修以奉五顯之神亦曰五

通五聖江以南無不奉之而杭州尤盛莫詳本

始搜神記所載妄誕不經而宋朝會要亦不詳

載姓氏或曰五顯五行之佐也而五通非五顯



也宋政和元年詔毀五通淫祠則五通非五顯
明矣豐樂橋上亦有華光廟

五顯廟在里仁坊內元元統二年建元末燬國

初王瑞雲重建正統中吳玄理趙道純復拓大

之又燬郭廷輔重修五顯者五行之佐也無姓

氏可考宋時賜號一曰顯聰昭聖孚仁福善王

二曰顯明昭聖孚義福順王三曰顯正昭聖孚

智福應王四曰顯有昭聖孚愛福惠王五曰顯

德昭聖孚信福慶王五王封號皆有顯字故謂

之五顯廟云

有一作直

廣福祖廟在臨橋東南即蔣七郎家祠也每歲六月九日郡人以神誕日奉香火

舊城隍廟在羊市宋紹興元年建以祈蚕穀國朝永樂末年憲使周公以直道被法後為杭州城隍神數見盼嚮杭民因奉其主為新城隍而改奉舊主於此為舊城隍廟

西湖遊覽志第十八卷

南山分脉城內勝蹟

佛刹

錢唐田 汝成 輯撰

演教寺水陸寺祇園寺東岡寺姚園寺慈雲寺金剛廣福寺大慈庵靈芝寺長明寺惠林寺普慈寺悟空寺相國寺華藏寺佛慧寺儒林慈恩普濟寺七寶寺潮鳴寺法雲寺崇恩延福院妙慧院廣壽慧雲寺普照院長生寺法明寺白蓮寺寶梵寺慧安寺西井寺靈壽寺覺苑寺直教寺

